

1. KJP "ZOI'84" OCS d.o.o. Sarajevo, ul. Alipašina bb, kojeg zastupa Direktor Kenan Magoda prof, ID broj 4200347000004, UINO broj 200347000004, sudska registracija UF/I-431/04 od 15.12. 2006. godine kod Općinskog suda u Sarajevu, transakcijski račun 102050000095931 kod Union Banke d.d. Sarajevo

(udaljem tekstu: „ZOI'84“)

2. Sindikat policije Kantona Sarajevo ID broj:4200318910000, ulica La Benevolencije 16 koju zastupa Predsjednik UO Sindikata policije KS Ećo Sadik

(udaljem tekstu: Sindikat)

SPORAZUM O POSLOVNOJ SARADNJI

Član 1.

Sporazumne strane (u daljem tekstu: „ZOI'84“i Sindikat) su saglasne da sklapanje ovog Sporazuma ima za cilj ostvarivanja međusobnih poslovnih i ekonomskih interesa, kao i utvrđivanje međusobnih prava i obaveza.

Član 2.

Predmet ovog Sporazuma je prodaja akcijskih sezonskih ski karata „ZOI'84“ bez učešća, žiranata i kamata na maksimalni rok otplate od 6 (slovima: šest) jednakih mjesečnih rata.

Član 3.

Članovi Sindikata mogu koristiti usluge koje su predmetom ovog Sporazuma, uz obavezno predočenje ovjerene administrativne zabrane izdate od poslodavca kod kojeg je član Sindikata uposlen, te lične/osobne karte kako bi „ZOI'84“ mogao na vrijeme i kvalitetno izvršiti svoje obaveze.

Član sindikata je obavezan pri kupovini ski karata pokazati i člansku kartu Sindikata policije KS. Administrativna zabrana garantuje da je član sindikata zaposlen na naodređeno vrijeme te da je uposlenik kreditno sposoban za kupovinu iz Člana 2. ovog Sporazuma.

U administrativnoj zabrani, pored navedenog, treba naznačiti i broj karata koje član sindikata želi kupiti.

Član 4.

Uplate za prodane sezonske ski karte računovodstvo MUP-a KS (sektor računovodstva) i Uprave policije (sektor za materijalno-finansijske poslove) će vršiti po prijemu zbirne mjesečne fakture najkasnije do 10-tog u mjesecu na transakcijski račun Prodavca broj: 102050000095931 kod UNION BANKE d.d. Sarajevo sa svrhom doznake: uplata za prodane ski karte za mjesec (naznačiti mjesec).

Član 5.

„ZOI'84“ će računovodstvu poslodavca kod kojeg je član sindikata uposlen mjesečno (u periodu od šest mjeseci) dostavljati fakture sa mjesečnim iznosom dospjele rate uz prilog spiska sa potpisima i brojevima ličnih karata radnika koji su kupili ski karte.

Član 6.

Kupovinu po uslovima iz ovog Sporazuma mogu ostvariti samo radnici koji imaju ugovore na neodređeno vrijeme kod poslodavca a članovi su Sindikata. Član sindikata može kartu kupiti i za člana njegove uže porodice. U slučaju otkaza ili smrti radnika od zadnje plate će se izvršiti dospjele i nedospjele obaveze prema „ZOI'84“.

Član 7.

Sporazumne strane su saglasne da sve eventualne sporove po ovom Sporazumu rješe dogovorom, a ukoliko to nije moguće za rješavanje sporova nadležan je Sud u Sarajevu.

Član 8.

Izmjene i dopune ovog Sporazuma su važeće samo ako su zaključene u pisanoj formi.

Član 9.

Sporazumne strane su pročitale odredbe ovog Sporazuma, te njegovim potpisivanjem prihvataju sva prava i obaveze koje iz njega proizilaze.


Član 10.

Ovaj Sporazum je sastavljen u 2 (dva) primjerka od kojih svaka sporazumna strana zadržava po 1 (jedan) primjerak.

Član 11.


Ovaj Sporazum stupa na snagu narednog dana od dana potpisivanja.

Direktor KJP „ZOI'84“ OCS d.o.o.
Kenan Magoda, prof.



Sindikat policije KS

Predsjednik UO Sindikata policije KS



Broj:

SPKS-499/19

Datum:

29.11.2019

Broj: 3226/19

Datum: 20.11.2019.